

Lider di MAS: Tin diferencia entre color di partido y di ‘stembiljet’

ORANJESTAD – Con-
flicto entre partido MAS
y partido POR pa por uza
color blauw scur como
color di partido a wordo
resolvi. Rason a wordo
duna na MAS pasobra
e partido a registra nan
marca prome na bureau
di propiedad intelectual.
Sinembargo lo mester tira
lot na momento di deter-
mina color di ‘stembiljet’.

Bon Dia Aruba a acerca lid-
er di partido MAS Holmo
Henriquez pa aclara e situa-
cion cu e color di e partido,
ya cu den comienso di cam-
pana MAS a uza un color
blauw scur.

Segun sr. Henriquez: “Ora
lider di partido POR Otnar
Oduber a cuminsa cam-
pana e tambe a uza un color
blauw scur hopi similar na
di nos. Esaki a trece confu-
sion no solamente den area
di propiedad intelectual,
pero tambe pasobra Electro-
rale Raad mester duna color
oficial na cada lista di parti-
do. Den e parti di propiedad
intelectual a trata di un caso
mas civil, unda cu nos como
MAS a registra nos marca y
e departamento a para nos



tras, pasobra nos a registra es-
aki prome. Despues di esaki
POR a cambia nan color pa ta
un tiki mas cla cu nan a scoge
originalmente”

E color aki por crea algun
confusion, segun sr. Hen-
riquez ta splica. “Nos parti-
do ta uza un color blauw
scur, mientras esun di POR
ta uno medio cla awor. Tam-
poco por lubida riba partido

di Booshi UPP cu ta uza un
color blauw cla. Den e Kies-
verordening a bini un par di
cambio unda cu Electorale
Raad ta reconoce color blauw
scur y blauw cla pa e lista di
partido bin riba e stembiljet.
Pa e color blauw scur e ora
MAS cu POR lo mester tira
lot pa determina ken lo haya
e color aki asigna.”

Pa evita confusion, e color



di e ‘stembiljet’ no ta defini
e color di e partido, ya cu ley
no ta stipula esaki.

Lider di partido POR Otnar
Oduber di su banda a comen-
ta cu: “Nos na e momento aki
no ta preocupa tanto pa e col-
or, mirando cu e contenido di
nos programa ta primordial
pa nos. Aworaki nos ta den
proceso pa lansa un programa
di partido e proximo siman-
nan y dianan. Pa lo ke ta trata

e color, nos color nunca a
cambia. E color di nos parti-
donan ta mara na nos statu-
tonan.

Nos a compronde cu ta bay
tin 2 color blauw, uno scur y
uno cla. Si tin mas partido cu
mesun color ley ta stipula cu
mester tira lot pa determina
cua lo keda cu e color. Nos
lo mester cana e proceso aki
e ora.”